

上海图书馆藏



830998

二知軒



錢續鈔



二知軒詩集續鈔

卷之八

松鶴山房

人惟有德量乃能愛人之才如己之才昔漁洋山人以詩鳴海內宏獎風流一時豪俊無不託其宇下吾同年子箴方伯之詩之工前序已詳之茲方伯又出其近作見示詩膽愈壯詩律愈細吳江計甫草謂漁洋山人德量深者詩亦深方伯有焉昌彝與方伯相知四載方伯於詩外別無嗜好惟以詩爲性命而愛才亦如性命其德量之過人遠矣非世人之所能及也繼漁洋山人而起非方伯其誰與歸同治戊辰仲春侯官年愚弟林昌彝拜序

二知軒詩續鈔

序

一

二知軒詩續鈔卷一

定遠方濬頤子箴

古今體詩一百二十二首

丙寅正月
至四月

丙寅正月初二日偕張友山

兆棟

廉訪郭毓麓

祥

瑞 觀察謁鄭仙祠

迷漫濁霧埽程鄉北極仙人已降祥

閏臘月十二日閩軍大捷陣殲首逆

汪海

三島雲霞舒鶴羽一春烽火靖狼臙探幽都作超

塵想抱朴先傳濟世方指日饒歌歸虎旅紅棉花下醉

千觴

鬱惹佳氣豁雙眸拾級璇階最上頭勝境頽頽蒲澗寺

二知軒詩續鈔

卷一

嘉名肇錫菊坡樓

祠為菊坡故址即以名樓

盧敖若士天邊侶瓊室

丹房海外游冠蓋勞勞成底事令人回首憶瀛洲

人日得林薌谿同年厦門來書並以續詠梅影二

章志別即次韻奉寄

癯顏相對滌塵心彷彿輕紈寫瘦金為覓暗香朝攬鏡

肯拋寒豔夜蒙衾孤芳不露繁華態高格都宜贈答吟

畢竟神交通咫尺幽探那隔白雲溇

偃蹇虬枝勁不摧忘形雪友共霜媒直疑巢父花中隱

難得林逋海上回曲陽暝俛春氣足疎籬斜漏夕陽催

休令子野誇三絕新向銀濤洗眼來

喜聞官軍於臘月二十二日克復嘉應

東南巨患今蕩平左伯

宗棠

鮑子

超

人中英指揮戈矛

奮撻伐降伏虎豹猶颯颯合圍一戰遂披靡墜崖墮澗

何縱橫程江歲晚烽火息四野齊聽鐃歌聲

狼奔豕突十六年粵寇歸粵殘喘延早知主兵不如客

雖曰人事中有天同心戮力勇百倍量敵慮勝謀萬全

將軍

謂鮑軍門

絕不憚勞苦又報移旌江漢邊

河南捻匪近擾楚北

雲門生日酌於雲舫卽事感賦九言

春來景物爛漫珠江涯抗塵終日未免拘形骸連宵陰

暄爛登延月榭無心解后卻在朝天街雲門雲舫結構

二知軒詩續鈔

卷一

二

劇幽雅團花簇錦意匠工安排懸弧令節不速之客至

排闥直入使我清詩懷珊瑚碎翦兩株紅躑躅凌波仙

子呼爾爲同儕

舫中水仙亦盛開

朱朱白白掩映絕明靚霞光

澹沱更橫紫玉釵似蘭非蘭名以報春錫如舟小屋恨

不移秦淮爲言楚山突過鶴林寺十里五里錯落成丹

崖昔年筍將行處輒留戀萍蹤飄忽宦海浮沈皆有花

有酒與子且尋樂奚必畫船羅列度曲娃揚州風味茲

晨快一飽

庖丁作揚州麪

咄嗟立辦誰云食無腴吳刀細切妙

可穿結帶韭芽萱草

皆麪名

堪傲庾郎鮭北方人每不餐

此中麪番舶所載原是重羅鏡迢迢西郭訪友

謂芸湖

既

不遇那期歸途迤邐游艇齋玉塵翠縷孰敢誚釘餽籬
邊銷夏還約淘冷槐斯時碧翁多情召屏翳醍醐密灑
萬綠抽芳蓼盎然生意洵足爲子壽坐對羣豔信口鳴
咿哇呼鑾道上木棉已開未雨晴正好聯步躋璇階十四
四日同人復招飲菊坡樓應官聽鼓爾我總嫌俗何時料理竹杖和
芒屨一邱一壑隨地任栖止逍遙世外心澹境自佳

柬李恢垣

遯翁仙去

謂陳懿叔

茶叟歸

謂林薌翁

西園落寞寡儔侶君從芟

塘拏舟至令我驩如得蛩駟水犀杜鵑同時開春膏醞

過杯中醕衣冠之會類葵邱雖有觴政不敢舉簿書坐

二知軒詩續鈔

卷一

三

困形影神講席但親筆墨楮以君之雅醫我俗瓦在妄
希應鍾呂扁舟遲遲泛頂湖準備黃封沸湯煑長鯨一
吸百川盡手搏於菟小於鼠元戎近已罷干戈吾輩也
堪樂樽俎傷離感逝且勿庸酒膽詩腸天付與

同人招飲菊坡樓

賦詩果成讖冒雨登陂陀

予去年重修鄭仙祠詩有冒雨爭開囊之句

瞥見

兩三花吐燄百尺柯今年紅棉早問候驚蟄過春寒勒

不住木客顏先酡油雲白無際霞光來盪摩遙想波羅

江珊枝舞睡鼉

嗟我楚庭麓空曠恣眺覽萬綠助溟濛珠海濃霧醜試

看春色嬌那及秋容澹多栽隱逸花石骨金英嵌昔賢
觴詠地豈爲仙境揜待吟補菊篇東籬舒笑頷

招陳蘭甫李恢垣劉雲生張蘭軒朱雲門飲於碧

玲瓏館漫賦三十二韻

陰霾忽放晴舉觴醉賓客同在水精域儼泛烟波宅太
邱齒最尊嶺南老詞伯窮年兀焚膏終日坐講席歸田
李侯早抗志脫朝籍循陔樂方長逃名心自適劉郎興
更豪傲岸拓金戟捍衛枌榆鄉力把荆榛闢卓犖詩人

孫謂蘭軒

新奮雲程翻家學紹烏臺文章重鸞掖近讀知

足齋

朱文正公集名

頓使煩襟釋遙遙遊華胄翩翩聯宦迹諸

二知軒詩續鈔

卷一

四

君信風雅而我慕山澤招邀忘形交暫駐游春履鵲血
紅似染麕眼綠紛墉甫聞玉虎鳴又覩白駒隙隙妍齊
作態空洞了無隔韻添窗外篠香到池畔石座中金閨

彥昨駕黃灣舶

蘭軒近送友人至香海

迷離一髮青泯漾四圍碧

應笑小園內毋乃眼界窄豈知浩蕩習隨處乾坤書汪

洋化畦畛慷慨吐肝膈高士常閉門稽古多羶獲

蘭甫笈作

極富所期盟笠簦相與礪圭璧欲假鄴架書奈有端溪役

恢垣明日

卽往肇慶合并偏易散仇爽尤莫逆可以築壇玷不須

議兵革

約雲生雲門唱和

交遊四海廣歌詠半生癡氣已通沆

漚味弗辨炮炙泥飲直至晡清談揜承夕花時儻再來

吟箋定分擘

蘭甫賦七言長歌並以漢書地理志水道圖說漢
儒通義聲律通考三書見贈卽次韻奉訓

此日西園無俗客詩壇高築仙湖北讓君探袖得驪珠
光芒直射蛟龍宅南海何曾竟宋寥翻憐九曜是頑石
豈惟步武追青蓮雄才當代文章伯西起蒲昌南訖黑
水河以今釋古胸涵千頃波足不出戶參稽到邊徼堪
笑秦帝枉自驅鼉鼉梅州楊君亦復耽著述近乞君校勘掌生再
貢新圖說默深而外同調誰云多君藏有魏默深再貢說一書訓詁要從
義理出依傍門戶徒嬰嬰嗟予目不辨漢宋年逾半白

二知軒詩續鈔

卷一

五

空蹉跎左圖右史紛駢羅陶然心醉頰常配宮商旣明
律呂正恍聆雅奏房中歌製管常用晉前尺奚至支離
駁雜牽蔓蘿展卷沈吟魂魄爽會須攜笛呼游舫已傳
知樂過姜夔更羨窮經如索敞昔見賞文達公而今番
番成老翁耳聰仍辨十二筒待問一任荏撞鐘胡爲坐
皋比未登明光宮望之有似龍門桐襟期曠逸逍遙白
雲峯甘師豹隱羞見攀樹熊近聞閉戶日篋學思錄士
林楷範天所鍾長歌那厭再三讀箏琶壓倒聲鴻瓏

附原作

陳澧

嶺南名宦兼詩客百年前數趨甌北誰其繼者

南城曾置酒徵詩仲翔宅

晉賓谷中丞建虞仲翔祠

其間經

師專注疏亦有名公考金石

北平儀徵爲經學考據不專於詩如

是者凡數公不能悉數

戴公訪粵後寥寥

戴文節有訪粵集

乃今

喜見方方伯詩才浩瀚如江河長風鼓盪

頃刻生濤波中有珊瑚木難吐寶氣又復光怪

倏忽騰蛟鼉題詩判牘雙管可齊下頓覺陳思

八斗非才多編成大集命我序我雖脫稿猶媿

要自慙五十學已晚欲比高適尤蹉跎方伯酌

我金叵羅勸我莫惜衰顏酡春花鬪紅竹交翠

紫鳳起舞鸞能歌

園中有孔雀火雞之屬

奇峯照影落酒

二知軒詩續鈔

卷一

六

蓋

英石假山

坐覺眼前咫尺通烟蘿座客英姿皆颯

爽朱公高韻椒花觴選理熟精推李善才思湧

出稱劉敞

朱子謂劉原父有許多才思湧出來

張公子太史公詩

法傳自南山翁近與方伯馳詩筒鏘然仙樂酣

笙鐘我抱無弭琴不辨徵與宮只合爨底成焦

桐又聞仙祠新構王山峯上有仙詩千字光熊

熊

方伯新修鄭仙祠賦詩百韻

有如天梯石棧一千步老我

欲上嗟龍鍾且作狂歌揮醉墨淋漓題上碧玲

瓏

和恢垣西江舟中見懷壘前韻

抗塵走俗胡爲乎不如江上魚蝦侶嶺南瀾漫半澤國
山有豺狼野無駢羨君乘輿倚篷窗一路看花醉芳醕
肩頭卻喜重任卸

二月初一日張友山
蒞藩司任予甫得代

挽底原難百鈞

舉孀運機心戰棋局快收春色入豪楮米船已迴漱玉
灘鏖歌齊應夾鍾呂鹽官本來簿書稀評詩讀畫雲腴
黃下簾休問螳捕蟬鍵戶且任鴟嚇鼠長吉錦囊多鉅
製

君以舊作五言長律三
章見示格律純乎杜矣

偏樂林泉慙負俎世間幾輩

逞英雄鬪虎曷不師管與

和陶形贈影

爾我相對待呱呱墮地時出處靡定嚮跬步隨所之日

二知軒詩續鈔

卷一

七

月兩圓鏡取象咸在茲夜晦晝復顯若有聚散期猶嫌
太分明願存幽獨思宇宙共泡幻開顏止涕洒身外獲
伴侶欣然莫猜疑且盡杯中酌放浪君奚辭

和陶影答形

斯世變態多唯我默守拙與子常依傍境地難隔絕子
行我先趨子憂我遑悅無子安有我詎忍偶離別所以
浮屠家妄想不生滅有時燈燄消幾見冷灰熱盤桓酒
國內歡意那云竭真空原不空提撕醒愚劣

和陶神釋

靈臺方寸地杳冥實昭著自遭塵障蒙交戰失其故非

我播動靜二子將焉附往來正憧憧聽我明告語我隨
氣化至立命最初處豈能捨廬舍縹緲虛空住名利日
馳驟曷嘗逾定數不醒亦不醉滿腔生意具百年瞬息
耳澹泊忘毀譽光陰倏易逝迷途勿輕去浮雲任卷舒
逃榮何恐懼物我渾而化坦夷蠲俗慮

夜行東郭外口號

顛風一霎冷炎荒迤邐行過校武場蛙鼓亂鳴天未曙
昨宵新雨足陂塘

碧玲瓏館閒詠

自笑若樵客連日弛負擔手足任展舒心地亦冲澹又

二知軒詩續鈔

卷一

八

譬操小舟大舸強之纜簸揚風濤內竟得投崖礪記從
縮雙符偷閒恆苦暫今茲殊暢適寸田長苗荅子小
園內一雨萬綠暗眄彼山下池荷錢浮紫紺

西牆數竿竹去年暑天插潤以醴春膏怒生如菜甲愛
此青士韻蕭森凡卉壓琅玕添萬个薰風來不乏更須
種榮木催荷園丁鋪摩空綠陰滿龍柯爭岌業遮住火
織炎爽氣四噴欲景從未至思別創作詩法

火雞吟

火雞喪其雄孔雀適新寡夢夢竟匹偶能無發嗚嘲客
曰君莫笑不類之類也牧犢年七十尚非忘情者爲感

朝飛雉撫絃寸心寫況茲禽鳥微本居俛蟲下鳶鶩與
雁鴿貞行播風雅豈無出羣姿潔身防苟且天地一塵
障遊絲空際惹虬螭種屬龍駟驢生自馬氣化互純駮
理欲紛厓厓安得老頭陀爲之頌般若昂昂方吐綬長
鳴自侈哆

偶作

低垂雲幕掩雙丸格格雷車雨氣漫二月披裘似京國
嶺南春較昔年寒

月溪添漲碧波紋郭外新秧計日分憑仗好風吹雨住
踏青人滿百花墳

二知軒詩續鈔

卷一

九

董逃行

我欲上登羅浮安期柱父堪儔爰駕青螭翠虬腳底雲
凝不流俯瞰啞虎垂頭飛過鐵橋石樓麻姑玉女對謳
洞口喚醒黃龍俄將丹穴霞烘四百三十二峯峯峯倒
出囊中靈芝復招葛洪驂鸞跨鶴相從翩然戾止莖臺
少君勸客銜杯瓊飴瑤島新醅行厨麟脯攜來采蒲禺
澗剛回池邊夜樂齊催朱明門戶洞開呼吸聞風快哉

五游篇

豫章大樹所以力士不如倚驕萼還生子一撲父善立

格子善行不如尺郭朝莫彭亨二無路之人日飲天酒

不如小兒鵝腹自壽三 穉鼠卻寒鱗魚辟風不如無損

割肉復充四 解金闕銀盤嵒嵒難上不如鬼門人來人往

五

游仙詩七十三首

靈飛六甲獲真傳還白留青詎渺然聞說君房都入道

祖洲先去訪瓊田

東瀛風俗似三吳玉醴泉甘那用沽醉向瑤軒緇秘錄

紅鸞飛下碧珊瑚

火林熠燿夜生光迤邐青邱路較長紫府天真攜伴至

風吹不動白霓裳

二知軒詩續鈔 卷一

弱水週遭繞鳳麟鴻毛到此亦沈淪翩然控鶴虛空降

除是黃芽百煉身

萬戶千門洞府寬迷離霞暈賽楓丹香風引得狻猊舞

神鳥山中煮震檀

九莖濯濯九源滋春晝騎鯨課種芝不願昇天住方丈

樓臺金玉殿琉璃

東王父愛碧淪漣嬾度蓬邱黑水邊親見扶桑金椹熟

已過世上九千年

積石南頭王母居崑崙岐支輔奠坤輿嵒嵒最是流精闕

百道虹光射紫虛

元氣綱維統至尊四山環拱北阿門
躡車夏后經行處
科斗依稀辨字痕

阿環遠隔絳河涯也降雲駢劉徹家
一自柏梁天藻慢
九光從此閉瓊華

待往虞淵涉紫泥丹霞黃露飲多時
崇朝不分經年別
蒼虎馱回曼倩兒

鳳雛拾得萬林中虬子爭誇洞壑雄
願乞法嬰歌一曲
五層臺畔月玲瓏

喝住元鸞靜不騫垂龍四面影飛翻
人間無此春歸樂
惻悵聞聲董仲元

二知軒詩續鈔

卷一

七

五岳真圖莫炫奇黃安畫地倏成池
有人手執周公笏
聽爾龜牀話伏羲

山能種火草如燈翠水翔雛別有菱
瓜是龍肝薤龍爪
赤松偏把鳳葵稱

身騎黃鶴已華顛記入雲端幕裏眠
笑煞羲和掩烏目
不如隻屐泛紅泉

八劫俄經判兩儀鴻濛溟滓欲何之
元都抵掌談元始
宋宋羅浮夜半時

玉京高聳大羅天誰度宏規盤古前
七寶三宮分賜第

步虛一證枕中篇

巢由無意得功名孤竹齊叻僕射榮惟底宣尼居太極
偏容墨子列公卿

出鎮名山徧八荒洞天都似奕棋忙四明漢帝爲賓友
卻詔周靈作侍郎

伏火還丹奧妙通伯陽道與廣成同下方但詔彭篋壽
入室青真號小童

導引功先閉氣吞丹房靈寶闡微言試將十種論堅固
瓊笈徐參李慶孫

真誥研求服食方玉池清水勝瓊漿麟脂螭髓渾無用
吐納丹霄日月芒

二知軒詩續鈔

卷一

三

直上寥陽氣概豪手攜龍竹踏銀濤方壺員嶠無根著
訴向天庭策巨鼇

千里層城道路賒玉樓十二影交加濃芬透出白環樹
碧柰幾枝初放花

紛紛位業詡真靈天上黃梁夢不醒白石先生無箇事
且燒丹竈讀幽經

流沙西遁始安恬采女相逢口未箝怕向君王誇道術
漢家都尉服巫炎

虎頭飛墮括蒼崖大將威儀幡節排喚醒癡人穿狗竇
方平度世亦談諧

七十還童教女甥
伯山甫卻最多情
衰翁不信金丹好
一杖堪令使者驚

誰能愛客過妻孥
根器由來與衆殊
美酒甘拋三十斛
居然灌頂若醍醐

匿迹高高兩髻髻
郎官羞入府君家
問渠何術三口去
喜遇華陽白鹿車

璇階夜降九疑神
教服昌陽莫厭頻
多少從官昧圭旨
不如壺谷一凡民

晨餐柏子夕松脂
卻病延年解鬱伊
媿女已成偕出定
光明時露鏡中姿

二知軒詩續鈔

卷一

三

瀟漫不見愛河涯
懊惱情田易茁芽
常在本來無定在
空山到處可爲家

元洲小謫費調停
排鑰奚由啟道扃
多恐淮南雞犬笑
沖天鴻鵠假螟蛉

旨哉抱朴說青城
學道無聞辟夜行
慣煮黃金濟貧乏
長生卽此得長生

精思鍊志不凡才
池上分形座上陪
九鼎漫容輕付界
奮身一擲下雲臺

頂上圓光訝不同
起衰至竟有元功
泰山神枕從君借
行過邯鄲傲呂翁

雷霆呼叱六丁驅小試劉侯卻鬼符
酒分杯樂左枝
一般狡獪學麻姑

剖棺布氣誓相從墮溷生憎惡障逢壺裏儘堪藏
日月
若番休跨葛陂龍

羲父玩索果通神東陌追隨悵隔塵
拚與孝廉長晤對
終身不作白頭人

爲煉神丹謁漢皇詭辭賺滿橐中裝
安期視爾清高甚
金壁當年置阜鄉

山開彌顯道心堅抱犢雲封石室巔
叔夜養生空著論
素書青髓兩無緣

二知軒詩續鈔

卷一

卅

榭葉松枝谷口擔
求人求食豈爲貪
火中危坐雪中睡
結草勝於彌勒龕

佯狂誰識德愔愔太傅門前寄慨深
漫道廣陵成絕調
故人偏撫一絃琴

久思棄世躡層霄瞥見星冠崖畔招名隸
太清猶采藥
須知天上不逍遙

濛濛絳雪壓匡廬又報移家地肺居
收得遼東新弟子
別分支派向林慮

變化通靈掌握操夫人術比使君高
唾盤成獼繫牀虎

咒走庭中一樹桃

吐火揩雲葛孝先流杯還復坐深泉有時走入鮫宮去
無奈濤神昨過船
大華峯頭白玉牀洪崖七子共相羊天元待約中黃定
不願隨兒返帝鄉

帶城幙械宋置完三百人中妙技殫引鏡爲刀堪殺賊
火攻巧用赤青丸

陰易罷陽木畏金天門注意獨沈吟調馴龍虎和龜雀
珠醴中央醞釀深

生死分明審去來指揮風雨召雲雷韋郎別造一家法
噓出靈光主務魁

二知軒詩續鈔

卷一

五

濟民功德匹俞拊三使來迎金闕趨玉女與丹添萬歲
躉歸還賜上天符

求飽書生婦善嘲閉門悔不俗緣拋主翁畢竟師童子
悟澈空花出幻泡

乾坤憑仗氣彌綸實者皆虛假亦真倒海移山非誑語
朱英服後便如神

白氈青幄餞筵醺羽蓋衝開華岳雲丹篆羨宅繩祖武
新頒九錫大茅君

一首丹經衆妙該介君洵屬不凡才吳宮剛切鱗魚膾
蜀市買薑騎竹回

蘇林至孝格穹蒼井水清冷橘葉香
哭母歸來身化鶴
更無人識牧牛郎

姓名早向玉函題文學翻遭衆口詆
我道先生痴帶慧
白騾躑躅赴迷溪

絕洞書成滌道源九靈胎息默存存
評量北極超南極
誕幻何如養性根

元霜絳雪迥難侔問候無須月一周
九轉迂迴七星速
竹林聯步上瀛洲

寒暑更番試仲都虹丹太白授吾徒
昆明侍從爭傳播
冬日單衣夏十爐

二知軒詩續鈔

卷一

去

低迷大醉誚離明五百年中元未醒
酒國酣嬉忘歲月
頭顱贏得雪千莖

蟬蛻依然到故鄉鴻泥蹤跡頗難忘
兩回尸解清平吉
百日寄書靈壽光

何日金丹大道成方瞳仍在地中行
但云勿勿身旋隱
那畏王家太尉兵

試心崖石踏空嵌又訪謨觴綠字函
想見大關勤翕習
朱庭了了足超凡

括蒼栖止避干戈心鏡凝塵自刮磨
四十五年如一瞬
重煩使節賁巖阿

暮景頽唐七九齡還童忽化髮星星宮中合使曹瞞敬
女兒乘雲達窈冥

嗟峩紉嶼海東垠羽客交推宮嵩與陳長禾黍豐登忘

甲子殷勤三載尙留賓

碧空跌坐凍雲黏地戶幽深好晦潛噴墨天然工八法
舌鋒直比筆鋒尖

胡麻山朮當朝殮紫錦囊開細討論面似桃花登玉井
容光照徹洗頭盆

方寸靈臺要主張功夫淺近理庸常青牛道士元邱客
宗聖何曾圓老莊

二知軒詩續鈔

卷一

七

恢垣於端溪書院新闢西軒延師課子疊韻寄索
和章亦疊前韻答之

歸田作經師君是逃名客攜兒泛頂湖豈戀五畝宅胸
中殊浩浩今之崔孝伯鏗訇任撞蒞詰難屢奪席鋤耒
以筆代厥圃乃篇籍芸人或舍己將毋迷所適金鐵弗
入爐奚由成劍戟古者易子教道若康莊闢不見鷓鳳
雛追逐摩天翮羽毛未豐滿高飛資振掖大鈞本無私
兩膏普融釋囊書遠從游鍵戶遂屏迹講堂拓後楹亦
足占麗澤綠陰一院幽戶外響雙屐盍簪共論文

謂陸徐二

子亦來
就學
璀璨心花窟時來考勤惰罔聞三餘隙茲境實

秀雅迥與塵俗隔良工費琢磨潤敵星巖石躊躇誦君
詩無計理歸舶猶幸小園內書聲出叢碧軒窗絕開朗
匪等柴門窄兒童池畔嬉愛聽蛙號書吾孫及外孫天
機暢襟膈但令範馳驅學古漫無獲居諸勉就將日月
寶連璧迴念少小時已爲科名役中年涉憂患聽輪順
旋逆高厚何日酬民害務剗革區區方寸間獨結文字
癖汰淘有清味堪佐史漢炙安得赴西軒把杯樂晨夕
看君挽狂瀾雄過巨靈擘

曹薌溪以弓生日贈蘭一盆並用東坡壽子由韻

賦詩爲壽其奴子因天將夕不昇蘭至僅以詩

二知軒詩續鈔

卷一

六

投予卽次韻奉報

超蕪軼芷揚清芬花田雨過風徐薰香中之祖原出羣

介以瓊瑤歌遏雲底用博山芝艾焚玉鮪嬌映簾波紋

踟躕兩美旋離分

蘭本二盆欲分一以贈

欲行且止愁夕氲已六

十日不見君可曾踏青向河墳我知默誦黃庭文那復

心動隨虫蚊病魔卻走無多云傷春豈學杜司勳徑築

壇拈雄一軍詩筒急遞通殷勤西園觴客酒微醺年逾

半百思歸耘奈有荆棘荒社枌幽人高介空塵紛十里

甘讓婪尾君試讀楞嚴參聞聞

壽薌溪卽和其壽筠仙中丞長歌原韻

自夏徂秋冬復春

君於去年閏五月至粵

圓月十度金波生勿勿

又值懸弧辰

予以三月初六日生君以初八日生

心交本來如弟兄天涯

聚首兩故人

謂君與爾欽

方將結伴浮滄瀛勾留獨在珠江

濱薄帷一任張寒廳歸期弗遑隨雁臣花天酒國不夜城那似京洛多風塵鷺潭潮退鋪碧鱗燈火高下垂繁

星照見玉白梨花雲虎邱畫舫休比論纏綿結住情天

因羨娥欲爲迴雙輪是真是幻彌相親愛河水淺迷濁

清髻鬢釵股交郁紛尋芳直到素馨墳黃菊作花柳不

髡閒情拚賦陶淵明此時愁聽長離箏虎頭山下蛟涎

腥潘園竟夕茶鎗烹並肩金撥彈鏗錚不平宛和秋菴

二知軒詩續鈔

卷一

九

鳴鏡中攝影妍媸分奇哉強水能化銀最宜晴旭忌陰

淫巨者鯤鵬細鷓盞豪髮畢肖莫與京道子錯愕僧絲

驚西園動我咨嗟聲狂奴故態難變更圭璧有玷磨礪

新樹之藩籬正道伸苦口漫云無病呻養癰貽患昨甫

經

予去夏患肘癰

誰覩伯宗徙瘤瘦保壺尙乞草木靈匪關倦

游書眠肱欹側華蓋搖真精葆身當若干歲苓亟調君

相安谷神瘡痍未復悲吾民昔年抗疏肝膽傾陽和扇

轉扶桑頽立起沈痼天公仁長生妙訣師廣成守宋胡

爲突不黔以理戰欲麾心兵寸田雖隘勤耨耕出門追

逐大雅羣筋骸堅固氣彌綸翩然跨鶴朝玉宸厥壽定

可超祈淪萬古不朽元音鏗

和齋溪友人水窗招飲用東坡陪歐陽公燕西湖

韻

髻邊堆滿玲瓏雪話到春游香齒頰漁洋綺語未刪除

睡醒銀絲倍芬烈青溪錦棚怕飛霜秦淮七月後即無燈船斟酌

橋畔夜熒煌吳中燈船必過此橋不如橫樓與紫洞勾引四時蜂

蝶狂珠江風浪幾曾惡客中原有銷愁藥莫怪游仙人

未返十丈輦紅無此樂美人都憐太瘦生贈之丹棘何

鮮明勸君歸去北堂樹送別好調銀字箏

恢垣枉顧感賦一首

二知軒詩續鈔 卷一

三

又過清明節君歸為拜山粵人呼祭墓曰拜山不知宦游者何日

故鄉還榛棘瀧阡滿兵戈道路艱十年虛祭掃悵望嶺

雲間

木棉花歌和陳元孝韻

燭龍飛向炎荒來一掃瘴雨蠻烟開有如霓旌紛排上

林苑又似絳節矗立中天臺木客飲酣無算爵笑倚春

風出芒角羲和鞭日過南海蹴起火雲燒碧落乾坤為

爐鍛冶成老幹槎枒氣旁薄牡丹稱王洛陽土爾亦雄

豪偏霸王彩奪甘泉木筆花豔同暘谷扶桑樹照耀靈

洲鬱水間仙人與丹堪駐顏霞光散盡又飄雪綠陰斗

覺生夏寒

子聽去臘於京江舟中亦仿予十二疊山谷水仙

花詩韻見寄復答以七律四首

魚箋遠達尉佗城恍聽篷窗嘯咏聲戎馬三年依幕府

波濤萬里泛滄瀛勞予引領天涯望羨汝流傳海外名

朝鮮徐秋堂新致書於弟還與塤篋添鼓吹青春催轉上林鶯容方尙無

和詩至

鳳池仙侶正高歌謂內閣諸君粉署郎官七字哦予去冬復兩和孫稼

生見懷之什蓋在十二疊之外云更比涪翁詩格拘也如與可礪材多

筆鋒銳過風胡劍心匠靈於織女梭見說倪園絕幽雅

二知軒詩續鈔 卷一

三

弟寓吳門之安嶽會館為倪氏舊園海紅花底作吟窩

兩度京江放櫂來凍雲低壓雨花臺爭誇射虎屠龍技

那及烹鮮製錦才學者性情無粉飾蒼生元氣要栽培

騰驥莫負空羣目從此驪駒道路開

劇慙樗散攝屏藩喜值瓜期返橐鞬星象猶然困箕斗

邊儲未易罷牢盆偷閒坐對亭前石排闥推敲月下門

詩境玲瓏堪傲俗夢園今日有西園

贈王少鶴拯通政

與君同庚皆乙亥六年不見鬢鬚改我齒後君甫二日

君生於三月初四日君才過我幾十倍礪礪千丈儼和嶠縱橫五

兵敵裴頽釋褐早推龍城豪揮翰更奪鳳池彩貌癯神
靜腹則便理明辭達氣何餒聲價直逾百珠璣鋒芒堪
折萬矛鏢金臺振轡登銀臺宦海迴舟泛滄海退飛暫
作六月息撰箸自有千秋在西冷勾留頻探梅南武解
后申攬萑別時長隄柳颺絲到日小園竹舒筴須知入
世盡羅網莫笑登場如傀儡盜賊長驅狼共羆將士紛
馳驥與駘可憐流離半天下太息兵興十餘載荆揚近
已罷干戈雍豫尙煩屯甲鎧析圭僭爵酬助庸衝鋒陷
銳策疲怠功名要從馬上得鼓吹迭奏軍中凱從來韜
鈴運廊廟獨以樞禁冠僚案服君洵能贊訐謨媿我未
足調鼎鼐坐令伯奇稱文雄差等魯直訟詩罪叢殘飽
蠹識者羞君將刊所著文集小技雕蟲壯夫悔羅浮豈讓五岳

二知軒詩續鈔

卷一

三

石玲瓏嵌空數王宰

水鳥

粵人以天落水名之每鳴卽雨

蠻方水鳥識天時不共鳩鵲江岸嬉七字連呼雨隨至
綠榕陰裏似哦詩

大雨卽晴喜而有作

天上瀉銀濤摩空鐵甲塵三農開笑口五管足春膏屏

翳班師速義和按轡牢搏桑懸霽色不受海雲韜

西園偶作二首

咫尺能令眼界寬空明臺榭峭峯巒好春虛度九十日

新筍乍抽三百竿金粟濃香飄月桂珊瑚小朵綻風蘭

就中最是龍船豔龍船花似繡
毬而小色赤莫作天吳舊繡看

凡禽無此鳳鸞姿五色章身耀陸離隴客雪衣嫌太素

吳都綽羽合爭奇耀孫新購五色鸚鵡
一孔雀二養之園中聰明每受樊籠

困文采難逃組綬縻須識唐宮時樂鳥燕公拜表賀丹

墀

少鶴用賡堂前輩韶州韻見贈並惠龍壁山房詩

二知軒詩續鈔卷一

集龔和二首

蛟螭出匣劍芒寒璀璨珊瑚與木難清望昔儕朱佐日

前輩謂伯韓盛名今匹鄭都官謂小谷桂林大有扶輪手穗

石重聯秉燭歡龍壁一編堪寶貴漫云鵬鷗可齊觀

神往鄉山忽放歌筆端奇氣傲孫何集中題龍翰臣前
輩詩集七古長篇

七十餘韻最爲傑作禁中儼直鳴珂早海上歸來插架多君藏書
甚富

倦矣駑駘艱學步浩然溟滓欲同科遨遊且駐安期舄

高樹蟬聲滿菊坡

招少鶴雲門薊溪集於碧玲瓏館疊前韻

萬條銀竹打窗寒客至適
大雨水積堂坳縱步難屋本如舟

容過客人方住世夢神官代飛燕雁彌增感少鶴新至
薊溪將歸

追逐雲龍足取歡差信年來消意氣朦朧勝負隙中觀
大隱金門據地歌漫勞迹迹侶羊何馬愁冀北空羣少
山訝終南捷徑多翠羽襜褕探卵殼青桐峭拔長黃科
眼前悟出行藏理品望休論上下坡

和蘭軒七律四首用原韻

四月八日長壽寺看浴佛

百寶莊嚴四大身去來參透淨中因一絲不掛能離世
八垢皆空迥斷塵下界龍華開梵宇西天象教闡金人
香風順母橋邊起猶似牟尼誕降辰

二知軒詩續鈔

卷一

五

四月十一日荔支灣啖荔

壓倒楊盧數麗支絳羅風骨大蘇知青過三月綻珠蕾
紅亞一灣迎曉曦花鳴劉王開宴後海山仙子降凡時
於今黑葉潘園盛犀角無如此陸離荔支三月熟者日
三月青四月熟者
日犀
角子

五月五日珠江觀競渡

潮平風靜鼓鳴鼉船比鳩茲江上多予於庚戌五日觀
競渡於蕪湖不及
珠江之盛試看鷺潭爭盪槳渾疑鴛錦亂拋梭招邀鬪草懸
蒲侶來聽舟車機馬歌海角湘纍曾到否飛鳧歲歲一

遮羅

五月十三竹醉日西園移竹

分種琅玕半畝陰，
莫孤瀟洒出塵心。
此君儼動提壺興，
有客方思荷鍤吟。
但得桃枝隨地活，
不妨桑落幾回斟。
秋來喜雨亭前過，
吹醒詩人風滿襟。

文樹臣

呈瑞

觀察和予亥字韻詩亦疊韻以報

我今閱世逾五亥，
耽吟有癖終不改。
自游嶺嶠壇坫開，
十盪十決勇氣倍。
何圖勅敵又遇君，
威稜震迅貌閑頽。

搖鞭卻走虎豹羣，
噴墨散作虹蜺彩。
案頭一劍夜長嘯，

君有嘯劍山房詩草 魑魅足飽魚腸餒，
慷慨普報家國讐。
便擲毛

錐整戈鋌蠻觸么，
麼動爭地精衛微禽尙填海。
尊公大

二知軒詩續鈔

卷一

差

節垂南天

君之尊人宜亭先生咸豐戊午重攝嘉應州賊至以身殉

突兀樓如鐵

漢在丹心赫赫輝，
茶梅

見宜亭草

崇祠肅肅薦藻茝，
文山遺

澤故深厚養成勁，
質皆箭筈英靈不朽永。
繁茂直等女

貞與思備君從少，
小趨庭時早慕雄。
駿羞弱駘傳家治

譜絕寶貴政聲洋，
溢幾卅載

宜亭先生宦粵三十年

要除稂莠生

嘉禾莫取民笠覆，
官鎧韜鈴可以片言貫。
危而觀懼靜

觀忘石牛天馬

羅定二山名

保障堅，
皓鸞山

在信宜

中旋振凱

已瞻器量同籍，
渾更誇品第。若韶案才名，
不亞杜宗武

勛業豈讓葉仙籟，
昨者梅州唱鏡歌

君新作平定梅州鏡歌

三萬

人寬脅從，
臯以子德音。擅九能，
顧予頽惰銘六悔。
風驅

雲湧千丈濤大江東流彭蠡匯舳艫俄驚蔽空至鶴鷺
且復列陣待可知詩律通乎兵有進無退成功每蒼生
劫運何日完欲排閭闔叩真宰

浴日亭用東坡韻

星稀月墮曉鐘天放眼波羅江上灣濁霧盪開龍穴樹
斷霞流過虎門山浮沈島嶼雙涵影軒豁乾坤一解顏
夜半石樓同壯觀咸池疑在海中間

二知軒詩續鈔

卷一

美

定遠方濬頤子箴

古今體詩一百一十九首

丙寅五月
至十二月

寄子巖弟卽和其贈林綬卿

述訓 觀察韻

自我宦嶺南客至方舉觥問胡醉兀兀百感胸中紫與

弟七年別通訊憑管城日盼天際雁飛鳴下簾旌那如

間道速一葉浮東瀛

近寄家書
皆附海舶

昨得贈友詩令我歡顏

生頗有雄直氣亦露真性情中敘粵風俗空洞靡遁形

林君本強幹高涼來福星登車在何時綠柳嘯春鷓

綬卿

於二月
南下

朗吟再三過豈異聯牀聽

二知軒詩續鈔

卷二

一

疇昔行人司折衝樽俎間於今大和會薄海偕瞻天

熙朝二百載疊矩重規懸人存政斯舉守經兼達權惟

其崇禮教所以殊貂蠻不見干羽舞七旬格苗頑在德

弗在險何地無仁賢釐然正官常著論嚴辨姦富強於

此基威力奚取焉東南困轉輸摻括竭茅閭西北邊患

亟枕戈士不眠守令簡循良慈惠勤昭宣精兵一當百

膚公奏目前千營矢藏箠萬隴禾捺脊旁觀自沮喪莫

敢誇貨泉

外國近有
旁觀論

故鄉曷不歸華堂已非舊我家泊水濱七葉詩書胃鱖

生少小日阿叔謂標秀西軒篲一燈孜孜樂造就教以

作文法次第判先後昆季八九人待我洵獨厚阿弟生
最遲白眉不期近以我爲識途把卷正疑謬家雞故應
愛漫逐海上臭迴翔鳳閣內兄慙作領袖猶憶乙卯春
重去聽宮漏銜悲與叔別風雨助淒颯祖宗勩業艱留
貽邦族懋吁嗟值多故竭蹶且匡救彈丸起鬪爭遑論
地廣袤外侮由內訌賤貧欺貴富傷哉成永訣室廬竟
顛覆老成日凋喪流離及童幼爾我蒙庇蔭竊祿安哺
穀我如箭在弦力弱強控殼君猶玉出璞良工詫希覲
躊躇思故鄉草肥柘桑瘦

二知軒詩續鈔

卷二

川縱睽隔心境鮮異同喜君擴見聞浩瀚逾八鴻顧盼
到臺省委蛇勿遽忽升沈有定數長作信天翁鹽官簿
書少歌詠西園中變態任浮雲獨立揚清風須知洪纖
響難越昆侖筒樸語耐尋味翦刻啞翠紅天衢好騰踔
願爲神智驄不負滿腹書品望超郝隆

奉送郭筠仙撫軍 丙召北上八首

中興人物楚材多堅白如公不涅磨登進驂騮驅害馬
拔除稂莠長嘉禾清操砥礪浮邱石 渥澤沾濡太液
波旌節朝天踰五嶺玉堂重到有東坡

早參戎幕灌嬰城旋入漁陽上將營賀監獨能知李白

平原曾未識毛生暫儻鞭鳳咎鸞侶來聽晨笳暮角聲
三十六灣秋月好便拋宮錦踏歌行

纔見雲歸又出山要剪霖雨濟時艱疏通民氣勤求瘼
振旅戎行力起屨治績希蹤陶宋後助名繼武葉韓間
萬人引領瞻霄漢槐坂松喬迥莫攀

鳴張餘孽乞援師一片丹忱 聖主知自是公忠無咎
賊果然掃盪固藩籬白衣變態天邊幻赤舄儀型海上
思腹本如囊堪忍事口鋒舌劍亦何裨

逍逐雲龍已十年春風小草荷恩偏 九弟大兒昔皆
受業於公 劇

慙鐵柱膺高選都服金臺冠衆賢剖析豪芒規遠大研

二知軒詩續鈔 卷二

三

窮底蘊徹中邊通儒矢口皆經濟豈獨鴻文媿馬遷

襄樊負弩儼先驅 庚申春願先
公出都 七澤三湘攬壯圖遮道

尙聞要泰業入山自分作潛夫書傳粵嶠風塵遠門掩

羅江境地孤忠義一編關運會於今大雅仗輪扶

草堂猿鶴不須嘲身繫安危蹇二爻輪轉人疑泉出地

禱祈天與稼盈郊下車歐嶺銷鋒鏑返旆程鄉止鑄鏡

幾載辛勞靖南服頌聲環起白雲坳

洞開城府豁胸襟聽鼓頻年矩範欽剛斷動思持大體

坦夷從不設成心卽看步上 丹墀峻莫漫歸探玉笥

深指日望隆三獨座祝融天柱共崎嶇

過鄭仙祠贈丁兩生 日昌 都轉

破浪乘風至

君航海來粵

使君殊壯哉卑栖厭塵土兀冪倚

瓊臺肯共秦皇語甯非用世才神仙此豪傑仰止白雲

隈

當代推劉晏經綸實過之上書辭節鉞橫海靖蛟螭

君先

備兵上海中外帖然相安

朗澈心如鏡艱難髻已絲爭先唯一著國

手救殘棋

鱷魚驅不盡千載憶韓公大局安危繫斯民直道同機

關分得失信義矢初終廡下誇飛走能無五伎窮

忽驚時序換晴雪木棉飛樓迥移樽酌山空解帶圍清

二知軒詩續鈔 卷二

四

幽竟忘暑酪酏不思歸自笑疲駑甚何時去絡轡

筠仙撫軍以荔灣話別圖索題即用東坡四月十

一日初食荔枝韻

枝頭烏勸提壺虛有酒一沃詩腸枯紅雲照徹半塘水

兀兀底向塵中驅柳波風起吹巾襦鷺潭雨過涼生膚

羣賢超出竹林上

圖中之客乃王少鶴吳子敦了兩生何白英陳蘭甫古樵六君子公作

主人命古樵繪此圖

勵志學古皆暖姝我公清節曠代無去思永

繫天南隅故園秋瓜入夢寐

公留別詩有故園夢寐見秋瓜之句

格律靜

細刪豪麤快登雪閣欵賓從銷夏不假陰泉珠冰漿玉

液惹離緒北地遜此芬且腴仙人驂鸞朝絳闕行行肯

戀霜下鑪寄聲閉門陳正字更爲菊坡添畫圖五月十日
人於菊坡樓
饑公故及之

許晉笙用西法爲曹蕪溪寫真戲題短句

云何鏡象直以水繪惟妙惟肖筆墨都廢傲睨風塵狂
奴故態相視而笑幻泡之內

招何白英國琛蔣叔起超伯兩同年楊理菴秦亨

吉士飲於碧玲瓏館白英詩先成卽次其韻

五羊城中金碧麗豈獨西園數弓地故交新從海上來
先爲荔枝拚一醉白頭何遜劇清高篋裏但存羊續被
依戀庭幃卻符竹親調甘旨屏薜蘿辭官奉母住京洛

二知軒詩續鈔

卷二

五

芝蘭挺秀滿階次左民右戶羣見推忽解朝衣成傲吏

同譜唯君邁等倫品望直儕劉允濟去年銜恤歸餘杭

六橋無心賞煙翠湘鄉幕府羅英豪白英理菴皆隨
蔣撫軍入粵骨

力道然去姿媚莊生齊物旨微渺坡公省事法奇祕燕

臺舊侶重盍簪叔起權廣
州府事粵嶠雄風乍張幟天涯聚首

各老蒼且舒懷抱收涕淚彭殤壽夭一例看曠達逍遙

釋愁思白英復有西河之
痛故以此慰之人到中年半哀樂邯鄲夢境

分明記前定本難逃氣數不朽何曾論名位笑它萬物

日傾軋懵懂那識天公意脫略形迹吐肺肝辭韻昭宣

化沈隄世局勞勞打劫爭宦場擾擾牽絲戲綠陰當午

解炎歎此境足令夏蟲避興發狂吟無顧忌乾坤逆旅原如寄

六月初五日薌溪爾欽芸湖雲門小集西園太常

仙蝶適至歌以紀異

忠魂依戀日月光羽化乃在寅清堂璇源玉水任徜徉
幾時仙躅離容臺迢遙想為羅浮來翩然飛落雲峰隈
葛仙衣變如輪翅南海蒲帆偕表異鬱栖烏足非其類
朱明洞口春光好五色編爛闢華藻都笑黃冠道人老
安期招汝羊石游乘風一霎過靈洲篁端蕙隙誰與儔
識得蓬瀛舊詞客豎指俄看鬚拍拍仙蝶撲窗而入集芸湖之手願盼自

二知軒詩續鈔 卷二

如方欲以酒醉之條爾飛去來本無蹤去無迹蝶兮蝶兮洵有緣昔

時髮鬢今華顛燕山粵嶠相周旋靈竒迥殊梁祝偷天

涯游子談津津化酒為水神乎神薌溪言曩見仙蝶以鬚入杯中頃刻酒即

成六客堂中曾戾止先通奉公守吳興日冊載光陰若

流水令我滿腔雜悲喜安得同返春明門花時章杜開

芳樽夢園從此稱蝶園

芸湖招同薌溪爾欽雲門遊海山仙館時薌溪爾

欽將北歸

白鷺潭遠須趁潮不如西出龍津橋逡巡已入花世界
風裳水佩魂為銷絳羅縱返紅雲島萬柄芙蓉香正好

主人夜宿荔灣上

湖

多恐賓朋張蓋早雲門貪睡駒

在門讓我雪閣朝霞吞海山無山恣凭眺隔岸湧現青

螺痕水松陰陰翡翠唳藤花望外幽徑迷紫薇更比水

芝豔宛然罨畫江南谿碧璜亭子傍湖築十五年來舊

游續有客穰舟眠不起

謂薊溪

離情濃似杯中醪冷曹蒼

奇得馮子要攝乾坤歸鏡裏放翁團扇費丹青那及金

銀鎔作水

爾欽學鏡繪於許晉笙已竟其術近撫已像與晉笙像列扇頭晉笙作序誌別

鄉里

人推馬少游欸段足傲新息侯樓臺過眼皆陳迹花陽

於今可屬劉漫勞抵掌論與廢綠暗紅稀都有態一載

勾留怕言別海國逍遙容我輩未餞行人先餞夏其奈

二知軒詩續鈔

卷二

七

偷閑難卜夜忽地高空火繖收雨珠亂落秋千架雷車

轟轟喧半塘小田園畔蓑笠忙此行畢竟負蘇舸

園中舟名

何日再探鷗鷺鄉

恢垣寄示與林子隅

直

太守倡和疊韻詩十二章

中論土客之事居多予亦次韻答之

李侯坐皋比大力迴頽風託根在澗壑孤幹撐鴻濛學

行足楷模今之關子東憑欄發高唱上應黃鍾宮歸田

肯逍遙兀抱畎畝忠土客禍未靖日盼江邊艤重輕審

時勢準量權所宗乾坤息戰爭生機太和融斯民鮮疾

苦老夫嘯歌雄原田去黃裨陸澤蕃葭蓬拄杖行樂郊

景象清曠

太守本華胄從戎到炎鄙曩聞雄州役呼咤鼓聲死初
疑偉丈夫揮戈刺旬始厥兒乃俊雅翛然脫塵滓風雲
鬱壯懷子隅有壯懷堂詩集奮挽蛟龍起堂堂正正師動合孫吳
旨平時弗訓練誰歟主張是詞鋒銳莫當有似徐娘匕
我知渡河日可掬舟中指

端溪築壇坫再振南園風拂衣上天湖

山名

踏破雲冥濛

俗子傍門戶慣欲偷江東譬猶教坊伎按譜諧羽宮塗
抹亂妍媸貢諛遑據忠紛紛見敵走怕遭黃蓋艦軍中
吟競病壯哉曹景宗飛霜積雪句木華讓張融短兵驟
二知軒詩續鈔 卷二 八

相接震迅角兩雄鏗鏘萬鈞動知必非茅蓬開函訝陸

離光芒射昏瞳

乞靈向簡編末由化蒙鄙無怪儻與忽竟鑿渾沌死嗟
余少荒嬉展卷昧四始及長好吟咏其如墮囂滓偏仄
方寸間勾引愁緒起發爲不平鳴刻露渺淵旨揶揄信
難免或曰姑舍是古人皆名醫刀圭乞方七至巧運一
心奚假工倅指

君子用德化捷於草上風陰崖一披拂颯爽穿迷濛不
有鵬圖南曷爲梟徒東緬懷鶉鷄世貝殼垂摯宮耦居
原無猜悃欵朴以忠奔騰萬人海干櫓森艦臙游厥構

釁由失計投強宗怨毒入人深癥瘕堅莫融井里成敵
國搏噬彌健雄哀鴻滿野飛飄飄伴轉蓬明者見未然
孰爲尋三瞳

問客何自來蔓延擾西鄙尋仇互報復饑飽咸欲死潮
嘉匪異域區分誤於始方謂判畦畛可以涅無滓抑知
同室內戈矛有時起聯和屢渝盟譎詭乖義旨江河歎
日下滔滔者皆是殺氣纏郊原泉府耗五匕因循釀禍
亂重煩旌旆指

蟻螻至細微春雨還澆風荆棘憚剪除岡阜俄綿濛不
見夸娥子負山寅朔東安得普摧伏兵下脩羅宮牧令

二知軒詩續鈔

卷二

九

果循良漸摩民作忠豈至羚羊峽頻年驅戰艦粵俗素
喜鬪大戶凌衰宗肝膽旣楚越水乳遑交融雖云客民
虐究輸土著雄氛壓蔽天暗莫辨麻與蓬會看撥雲霧
跳轉日月瞳

流離數萬衆散遣踰邊鄙沿途劫掠之不若沙場死願
合不願分愼終宜慮始予以自新路感激濯垢滓未剿
遠言撫反覆變端起我思杜元凱奇兵用周旨擒賊先
擒王樞紐在乎是漫矜匹夫勇圖窮方見七帷幄默運
籌儼同臂使指

藍山界兩邑

英德陽山

虎穴揚腥風記從庚申夏載歌零雨

濛走也媿不才備兵嶺南東側聞議封禁勿留一畝宮
亟向大府言敷陳效愚忠防兵弗爲少陸營水則臃此
間豈荒徼肉角馴毛宗何如任闕墾巖嶂春膏融久之
八排徭人地名外立致千夫雄不然戍卒撤依舊迷榛蓬旁
人笑管窺那有如鏡瞳

嗟彼客籍民奚必盡頑鄙夫唯猛濟寬火烈乃免死往
者肆荼毒土民實禍始鐘聲云胡嘶其中雜銅滓上蒼
固仁厚坑降臯白起殷頑利用遷片語探要旨君曰使
就佃所論亦良是竊恐博陵郡無人容挾七移居擇官
地斯爲正法指

二知軒詩續鈔

卷二

十

西園近無俚恍降毗嵐風故人將北歸

謂曹蕪溪馮爾欽

並轡

馳紫濛偏作滬瀆游遠泛滄溟東藥洲老詞伯

謂劉抗融齋

疏甘泉宮自維蒲柳衰莫罄葵藿忠舊兩日以稀徬徨

送征臃角巾更瀟散邈矣郭林宗獨坐傷別離熱腸冰

雪融慷慨鼓吟興若爲談兵雄軒窗頗自豪今年竹如

蓬縱誇束筍多難逃紫電瞳

予以詩鈔丐恢垣作序

賞子瑰麗詞

恢園寄贈駢體序文

覺我殊陋鄙能令蠹魚活敢道

科斗死坡公論非誣識字憂患始冲舉軼埃盪淨絕丹

崖滓松杉作垣墉白雲當戶起了無寵辱驚獨契濠上

旨故溪深可釣蓑笠歸來是安樂卽神仙底須調玉七

冥心任元化天地渺一指

疊前韻贈叔起

天孫七襄雲錦麗珠璣萬斛泉涌地十年攻苦五車讀
百家肴篡六經醉處世莫羞毛遂囊招賢願製孟宗被
一縑再煖然後纁九牌八漿絕無耦鬱律蛟龍驅扼下
漏爛星宿羅胃次賦歸去來彭澤令人寥天一漆園吏
沈潛猶如面壁參猛決慣作焚舟濟便騎香象挂羚羊
或掣鯨魚看翡翠旬訇鐘鼓元氣暢悠揚絲竹遲聲媚
是唯徵實非蹈空自爾騁妍復抽祕乾嘉以降論作者
蘇黃而外樹一幟晨窗喔咿和鶯曉夜榻雕梭乾蠟淚

二知軒詩續鈔

卷二

十一

消寒昔未繼芳躅

曩在京師君與諸同人
消寒分詠予未得預

納涼今又速

歌思

君和章
敏捷

子通志節何慷慨德源圖史能強記名流

推賞匹劉顯筆鋒狂縱琦孫位潘山韓江起謳誦隱囊
紗帽饒古意使君一到春有腳天教五管民不脆漫因
簿領廢談詠聊將風月供嘲戲指揮玉帳千騎屯角逐
沙場三舍避騷壇鼓勇若賁忌將軍足任邊陲寄

求仙七疊前韻

萬事了不問任吹馬耳風化人有根邸初祖尊茅濛朝
躡華岳巔夕浮碧海東嗤彼螻蟻輩羣趨大槐宮宇宙
何勞勞責孝兼課忠朽索馭奔馬短篙撐長艫掉頭去

塵世言尋白雲宗勝負皆欣然喪手看蹙融澹定完其
天守雌信知雄散髮弄烟水奮袂凌方蓬一卧九千年
吞氣還青瞳

擾攘名利途一智乃百鄙伊誰龍虎馴除是三蟲死聰
明主闕鏡光耀乘紫始呼吸閭闔風掃盪太清滓功成
朝絳闕鴻翔亦鸞起牝谷中含虛伯陽闡幽旨蘇君偶
來歸可憐城郭是貽我九還丹三更偕舉七卻訝梵天
內文殊怕鳴指

吳子序

嘉賓

前輩同年詩文遺集刊成合弟子登

嘉善

太史屬題卽步集中東陽巖詩韻

二知軒詩續鈔

卷二

七

窮經紹絕學抗節完正氣坎坷卒成名剛大塞天地留
此不朽業哲弟手編次訓詁賅義蘊敷陳審時勢大力

啟祕局創獲出新意疇昔金閨彥謾諫遭擯棄嘯歌向
穹廬文采照遐裔提撕醒愚蒙儒釋區品類班禪尙見
之稽首合趨避

集中有和蔣厚甫蒙古人自西藏迎班禪歸庫倫四十韻

陰霾四披

豁幽險兩鑿絕歸去壺公巖行吟常擁鼻嶽崎磊落人

彼蒼艱位置頻瞻弧矢發未覩天狼墜荆揚寇氛熾江

海日騰沸還鄉誓報國北望垂涕泗怵惕老兵語猶如

在僧寺

集中有述志呈仲父讀書山寺詩

彷徨溪山側捍衛干戈際骨

肉痛死綏火燔到經笥

見集中家難記

五年與賊讐韜鈴運智

慧亂定且樂饑盱水清若泌故人湘鄉侯謂滌笙相國東南

倚匡濟表揚粉榆烈激厲鴻鵠志先生曰罷休勿再一

官累白頭作經生荷甲讀肯廢良知宗陽明出處洵岸

異終罹鋒鏑早悟泡幻寄甲子春寇復陷南豐先生以身殉之哀風動

柏杉先生居柏溪其西鄉則杉溪皆不從賊走告駭婦穉綽楔光門閭叢

殘富文字西園重展巷昏眸儵開翳鷺湖鹿洞外奮起

闢荒穢奈何觸颺輪便戢垂天翅名教資扶持士林足

培漑廿載傷永訣五管韶秋思廬山高入雲景仰不能

至

得厲伯符雲官方伯書賦寄二首

二知軒詩續鈔 卷二

三

春明舊雨如君少十八年來一面難黃鵠磯邊方擁旆

綠楊城外又垂竿車爭上坂辭迂道船早收帆避急湍

記否相攜游杜曲玉缸頃倒夜闌珊

可能煮海救瘡痕建樹蹉跎髯已絲不朽千秋虛抱負

就荒三徑阻歸期酣歌香浦潮平後夢想紅橋月滿時

才老謂吳蓮芬同年近聞殊矍鑠嶺南底事雁飛遲去年黃小園觀察到

粵云蓮翁有書相寄至今未到

寄徐孟卿志導觀察時返揚州

去年君從夜郎來珊珊瘦骨如凍梅使我相見不相識

五月一把西園杯憶昔轟飲黃金臺舍人意態殊雄恢

談兵虎帳倚長劍道路蹴踏驩開上谷四野甘棠栽

召父杜母民皆孩繡衣持節行萬里烏撒未靖烽火災

牂柯江邊往復回支離卧牀藥鼎煨有緣奉使到南海

宛若得雨生枯荻爲言頻年病纏絃宦味已淡名心灰

六榕寺遠

君由六榕寺移居
關帝廟在署西偏

卜鄰近納涼菟茗時追陪

世間何地非叩喙太息福萌旋禱胎林逋詩意善領畧

松竹慣結閒中媒黃岑插天高磊嵬度嶺橫舟湘水隈

尺書迢遞附賓雁打鼓揚帆歸思催急流勇退洵壯哉

先生自處材不材二分明月總無恙蜀岡照冷青莓苔

量珠束雪未易才玉山遜此白皚皚無聊且讀貨殖傳

二知軒詩續鈔

卷二

十四

陶朱千古稱奇佞

答來書意

燕雀在羅雉入罟故應戀棧忘

驚駘乾坤到處可流寓謾云故里生蒿萊詩酒肆兀還

毡毳狂興那顧俗子哈我知腰腳陡然健隨風唾出皆

瓊瑰厲園

君寓伯符園中

蹤迹希王裴舉觴獨少濠梁崔會須

明歲別炎嶠去訪淮東蒼翠堆

送汪柳門

鳴鑿

吉士北上卽次見贈詩韻

萬里青雲早致身詞人占籍聖湖濱飽餐丹荔炎荒地

歸作長楊侍從臣石骨峻嶒駘馬困浪花洶湧海鷗馴

君往返皆

由海上輸君白嶽明年到

君擬返休甯原籍一行

何日濠梁理

釣綸

回首蓬山似夢中
太平潤色讓羣公
文章摹仿元和體
才力追攀正始風
畢竟取神非襲貌
自然異曲轉同工
相期揮灑如椽筆
一掃浮煙漲墨空

玉簪花和子聽韻

花田釵朶細如鍼
那及天孫墮地簪
澹過鹿蔥塵不染
潤於龍蕊露初禁
笑它鈿紫輝雙鬢
愛爾檀黃綴寸心
雅稱瓊閨秋插戴
步搖聲遠和霜砧

臧人羞學晚來香

京師晚香玉一種其品最下

綠掌翻風獨送涼

雀三層賦王建
玉鸞九色夢同昌
更無雪魄冰姿麗
底

用文犀玳瑁妝說與素娥
魂欲斷紅衣昨夜卸蓮塘

二知軒詩續鈔

卷二

五

江漲四首和恢垣韻

雨助陽侯虐奔湍
入市流帆檣高過屋城郭小如甌
波撼江干樹人喧陸地舟
牂柯支派大難用白圭謀

錦水漫空長聲隨
霹靂來緩蹲湘峽洞龍下定山臺
雲幕晝先暝風濤淒以哀
頂湖愁欲泛羲馭幾時迴

野老方懸耒村氓盡徙塵
遙知鬱江岸爭泊桂林船
憫爾鼉生竈憑它螭涸川
一吹周穆笛黑蜃海中眠

昨聞淮怒漲

做鄉今年亦大水

寇退士仍恆蛟鱷都騰沸隄垣

孰捍防鄉心催夢遠宦味共秋涼
獨羨星巖客清吟豁

昧茫

子隅作四十臯言七章恢垣感而和之索予同作

亦次原韻

墮地休誇前一亥

子隅丁亥生
予乙亥生

嶺嶠蹉跎方待臯久違

臺省溷塵俗薑桂其如性難改茫茫宦海多風濤何日

泉樽侶陶宰嗚呼一歌兮歌始興梧桐不落冬猶青

昔我四十在鄉里白晝豺狼竄郊鄙東南寇盜劫運開

無數英雄鋒鏑死跪辭瀧岡淚雨流揮鞭北去渡淮水

嗚呼二歌兮歌忽縱邯鄲再續黃梁夢

長安乞米妻卧病絮語彌留見真性兒啼女哭摧肺肝

湧起愁雲埋月鏡家山烽火阻行旅二千里外未歸殯

二知軒詩續鈔

卷二

去

嗚呼三歌兮歌轉哀七年負汝炎荒來

雁行中斷

謂子應
四弟

十載餘弱息

謂六
姪女

近隨伯氏居一門

四代復團聚鰥生倏已成老夫荆塗往事不堪說厲聲

罵賊刀刺膚

賊陷懷遠弟婦
林抗節死之

嗚呼四歌兮歌正放樓臺

灰燼冶谿上

吾家仲女男兒強溘如朝露引恨長夜臺奉母嫠作伴

黃葉打庵門徑荒天南小妹倘相見

四女阿秀
於去冬殤

輪迴地

下同跂望嗚呼五歌兮歌未希從戎有婿披弓衣

謂孫
仲山

西園悶損無朋儔泣送季父珠江頭

八叔父
就養吳門

幾載相

依遠相別進退維谷添隱憂旌幢袞袞督八州那若伏

處天爵脩嗚呼六歌兮歌乍歇涼飈捲地芭蕉裂

人到中年樂哀半此身底爲浮名絆大千形影泡幻寄
萬古文章寰宇爛傷離感逝何激昂任爾挪揄嘲浪漫
嗚呼七歌兮歌渠央觀心且入清虛堂

和雲生泛海卽景見懷原韻

壯哉滄溟游睥睨豪氣吐渺不見乾坤高下浪花舞火
輪奪天工風力暗中鼓化狐作舟楫對此首應俯有容

乘槎迴斌友松奉使海上諸國行八萬餘里雪海快先睹友松言八月泛海一夕海水忽

光明如雪舟中人皆詫謂從來未有混茫孰疏鑿堪傲神禹斧令我詩膽

雄解后得今兩君曷過訪之友松已航海入都抵掌話檐魯

二知軒詩續鈔

卷二

七

蠅虎詩和子隅韻

原序云壁上見兩蠅虎鬪逾時不輟繼而數蠅

虎至意各有所袒漸成不解之勢林子爲驅散

之感而賦此錄視恢坦並邀同作

微物竊大名山君先齒寒傾軋爲口腹同類開爭端劇

憐十步飛動輒遭鉤鏝以彼癡營營覲茲猛桓桓藉非

託驥髮祇合充蝗餐蠅虎一名蠅蝗一虎獨捕蠅未必羣虎歡

負嵎憤欲抗列陣殊堅完么麼黨羽分毫橫奚畏難強

鄰壓境至距躍生死拌倏怒目舒爪蠅虎背邊有雙肉爪儼稱戈

比干蚰螻遜雄傑逞威在尻體赫然盛屯圍葺爾聯戎

團就中將軍誰誓師來登壇疏屬儘堪用擁矛尊田單
虎與虎寇讐涼州曲易闌蒼崖嘯風子百獸云駭殫剛
於越棘刺迅過隋珠彈奪食生禍胎憑欄同浩歎蟲兵
昧紀律憂鬱壯士肝丹砂不可得竟爾相摧殘智者擇
地居從容避危竿蠅螭兩角鬪鷓鴣一枝安黑衣胡通
靈露臺天宇寬卽小以喻大清辯如翻瀾願虎且罷戰
有人牆立觀

和子隅秋霖五十韻

炎荒秋暑盛火織拄乾絡野聞農夫杏樹斷鳥聲樂七
巖仍歎蒸雙峽共沸爍亟思曜靈藏冥想列缺搏狂生

二知軒詩續鈔

卷二

六

虎穴嘯邃啟龍宮鑰蜿蜒凌丹霄颺颯撼翠嶠四圍風
有竅萬疊雲如膜剛欣石燕飛頓解陽烏虐霰霰甫溼
漉黝儵俄霰霍訇礮六丁降莽貫千里掠鼎湖愁瀾漫
硯洞駭崩削響喧勒竹叢骸冷扶桑萼遠浦咽暮蟬空
倉噪饑鵲田將虞水潦穀豈從天落朱鼈波面浮白躡
溪頭躍那堪焦明至復爾瞋恚作厥患儼結痕凝陰失
鍼烙昨姓今弗啓夜喜晝偏愕縱橫壁上蝸游泳海濱
絡夔羿長俯鳴神虬互蟠攫盆訝空際翻燭笑暗中摸
商節殊淒然咎徵恆雨若萍號大逞威旱漫靡止泊南
交東作勤一歲兩造穫碧翁灌醜酬赤子荷銚鏹霑霖

反爲病本業鮮所託未登吸江亭且陟挾天閣奔騰大
小湘牽挽高下管側耳胡酸嘶開眸劇驚矍動招勃戾
災奚但行路惡當康竟不前勝遇誰敢縛濁霧吞雌虹
漲潭鼓潛鱗緬懷太平世津潤自溥博所期一犁足毋
爽三日約曰靈鄘土歌呼爛同州譁銀索及玉竿填坑
還滿壑矧茲土客闋久矣亂離瘼雖無霜刺膚可奈泥
沒腳壯士洗兵馬元戎觴勇爵隊隊弓垂橐紛紛手加
額穹蒼豁昏霾蠻嶠息劔鑿候纔搗砧屈力官鞭石弱
李侯坐鱸堂林子欵烏幕鏗銅肆鼉吼矯健雄豹躩再
接方再厲九攻亦九卻晦冥逢蕭辰刻鏤窮勞寘嬾觀
唱訓獨我感離索報之淮南篇嗜味甘厚腩

子隅恢垣追和阮文達公藤鼓詩韻予亦同作

有明韓襄毅督師平大藤茲藤徑十圍夜渡猶緣繩八
寨龍山通蛇豕齊僨興惟公秉節鉞風骨儕孔丞指揮
誅藤妖姦民罔不懲規之卽成鼓命匠施鉤繩歡呼動
天地曰鑿變而鑿匹伍大將旗匪徒鏡燭勝輦客競羅
拜設險嗟何曾再衰復三竭焉敢尋仇仍藤兮亦反正
絕迹青稜層天下無棄材化工奚愛憎是爲羣音長宣

威誓詞陵但須軍士搗底用張安凌一鼓四百年過眼

如風鏗干戈靖蠻嶠黔黎得福恆聽此聲籠銅抗懷經
武能詩人在端州古調追儀徵我慙布鼓持未許雷門
登側身向西矚碧霄氛祲澄

和子隅謝恢垣以鳳仙花見貽詩韻

家園昔數鶴頂強

吾鄉鳳仙花以鶴頂紅爲極品

色如鸞枝開獨長草

中之花最上品託根丹穴超衆芳兒時終日走庭院蒼

頭卻道書生狂雞冠麤豪金雀細褊褊胡蝶

名花

風難當

訝然忽露黃鵠觜

子由詩萱草早欲開訝然黃鵠觜

瓦盆石竹鷺毛妝

鳳兮絢采異凡種呼之欲出鳴上翔而今西園太塵俗

海蘂無暇揆炎方新詩突過晏元獻倚闌對花泉可湘

二知軒詩續鈔

卷二

十一

歌成泪客轉含笑姿態儼泛瑤池觴

改長春仙館爲菊坡精舍壘前韻

讀書人比求仙強維三不朽眞延長文山珍重菊坡樣

文文山云菊坡天人文溪菊坡樣人菊坡不可作已願見文溪

天南晚節標孤芳安期

先生返瑤島虎豹四竄鯨鯢狂吐中調語那足信守門

可笑唯顛當紅棉寺外鬧春色妍麗競誇時世妝豈若

秋容澹相對巖栖肯逐鴻雁翔高以下基一簣覆斯爲

儒者修治方西湖詰經制堪仿敦詩說禮推熊湘倉沮

二史暗接引

添祀倉頡沮誦於桂香閣下

蒼古何必探謨觴

和子隅食魚生詩韻

嘉魚我聞出雙峽今讀君詩副所乏不鯖不膾但啖生
昌黎南食意頗怍爽然冰雪沁齒牙倏爾瓊琳吐胃脅
形如鯉鱓實則鮠略仿古人飡玉法曩時借客觴燕臺
最苦日入甫烹胛酒家云有急就章只用鸞刀紛揜指

京師紹興酒肆亦擅此法

鮠生下車已流涎夕陽深巷青帘插嶺南

豪士開華筵樽俎駢羅蛟蜃呷酒闌亦復進此味惹得

歌童卸銀甲肥臙煎炙火候誇病從口入膽先怯笑它

熊掌半月熟

蕭薊泉昔以熊掌餉予云半月始熟

咄嗟可辦八珍壓堆盤

更憶淮濱蝦

吾鄉喜食生蝦

美過黃雞與白鴨端溪此日壇坫

雄伐鼓撞鐘互闔韜爲補食單翺新詠旁徵曲引何博

二知軒詩續鈔

卷二

三

浴波瀾壯闊吞江湖

恢垣於和韻外更作十七浴全韻詩

以意運詞乃不

踏雙弓水又調成糜斗覺寒消冬欲筮

月蝕和恢垣韻

碧霄那有長圓月借日之光滿則缺當衝不合成閭虛

惆悵纖阿能事畢廣寒宮闕輝四隅如鉤如盤見者殊

天銀浥漾色頓變蘇摩結璘下殿趨得毋騫樹偶生瘦

或是蓑衣障金餅西方黑月入中原迷漫遮斷秋蟾影

怪底晶輪全墨墨匪等饑青與早赤昨宵端正出東溟

破壁槌環吁可惜自戌迄亥纔回光依然地上白于霜

難逃此劫未無忌玉仙魄凍肌骨涼癡墓吞吐駭衆目

手把天戈盪昏濁帝命八萬三千戶頃刻琉璃瓦重覆
穹蒼主持造化柄足使陰邪懾威令放還穴鼻追晨晷
瞳矐披豁乾坤淨唐宮擊柝傳至今禮重夜明營域崇
寸鐵一劃天盲開此意何嘗背宣聖素娥后庭復歸來
俯瞰海底日戟推積陰水氣已蒸熱慧炬掃落風中焰
龍虎烏龜策疲懈赤心封辭申誥誠爽秋胡亦似頑冬
災疹引作深宮戒鍊魂記取陽精經八朗玉池芒最明
旌幢洞府天人會鴻脯餐完朝上清

和子隅以子規藤杖壽恢垣用東坡以黃子木柱
杖爲子由生日之壽韻

二知軒詩續鈔

卷二

三

未老便歸田循陔樂方始高年扶杖笑差雪薜荔恥衣
冠名利場外華中疵痕一蹶每不振幾同傀儡子逍遙
遂初服傲骨胡孫倚太白詩手中
萬歲胡孫藤須知木上座堅強不
如此駕我壺公龍笑它折足几見東坡詩輕身卽神仙籬畔
有苦杞

和子隅中秋夜作韻

端溪月讓騷人賞偏我珠江負好秋步入西園忘宋莫
興來雙峽助清邁風驅雲湧詩無敵海闊天空醉可侯
下界那聞仙樂奏魚箋聊復互賡酬

和恢垣中秋夕偕兒姪登揆天閣韻

七星巖畔明如晝海底銀盤飛上天
混漾寒輝過玉宇
峻嶒倒影入蠻川
拓開眼界殊超曠
參透靈機總妙圓
林下儁才逾阿買
共瞻皓魄悟身前

崧臺晚眺和子隅韻

寶月登雲外

二臺皆在肇慶

穹窿讓此臺
俄看四山暝
忽擁七

星回天柱有靈藥
石門多綠苔
斗魁高並揭

斗魁臺在石室巖

仙境顯詩才

登披雲樓和子隅韻

豁然天宇淨
邊瘴埽黃茆
試向層樓望
都歸石洞巢
波光激遠浦
山色澹秋郊
早晚端民樂
沿江息鼓鐃

二知軒詩續鈔

卷二

三

和恢垣飲梅菴歸再柬子隅韻

貌躬困樊籠
苦憶羊求侶
兩腳青芒屨
一肩黃篋篋
徧遊名山川
弗計幾寒暑
瘦馬嘶風霜
輕舟盪烟雨
人間衆香國
多在清淨宇
玉鱗孤鶴伴
雪魄夜蟾伍
繞籬樂相羊
舉盞倦揮塵
頻年溷塵俗
此境繫心腑
讀君梅菴詩
選勝端溪土
未花先訪幽
得句動摹古
問爾優瞿曇
蕭然胡宋處
我知佛亦笑
解醉非阿堵

次韻答叔起言志

大寶得燕石
千金采稀苓
芥目不辨真
僞負此方寸
靈通

齋洵淹通

君詩文集以通齋名

竟補赤縣經
荒怪識獯獍
瑣細箋

蠡螟君新刊麗上窮天九闕下窺地十形隨方驗銅丸

舉手捫銀釘其才足抽簞厥智逾挈瓶祕笈探二酉神

功超五丁紛紜理亂絲萌茁生枯莖昔年冠虎榜為郎

應列星今茲駕隼旟君愿知邕高潮廣四郡所蒞皆空固送君去

朝天春帆颭風舸龍光接殿陞蠻嶠資藩屏齊年一

老友願書砥柱銘

雜感疊前韻示叔起

腐蒸樹頭菌暗長松下蒼由剝而之復塊然蠢實靈蝸

鳩笑鯢鵬請讀南華經馴擾蹄涔間視龍猶蛭螟乾坤

大圓鏡萬變靡遁形險矣刀作梯危哉盾布釘市上罕

二知軒詩續鈔卷二

懸壺井湄獨觀瓶身世可憐蟲幾人逢吉丁五角與六

張象本符天星日月所不照何地非幽囹誓將尋桃源

宛轉通漁舸終須出烏笈底用圖貌屏一撥雲霧開四

留重著銘

叔起又以七律見貽兩和其韻報之

瘴海重聯舊雨歡心如松柏竝堅完虛聲莫震麒麟棧

清望交推獬豸冠北闕露濃方湛渥南冥風急好扶搏

自慙握算持籌者亦是當年耳目官君詩有一城難得五臺官之句謂郭

王麓廉訪梅小巖觀察丁松亭前輩

二分明月儘尋歡君詩頗有歸志須念黃梁夢未完將相勛名

歸戰甲書生氣習談儒冠祝君豈止旌雙擁笑我猶然
羽十搏空谷白駒招正切肯容表聖住王官

送少鶴返粵西次蘭甫韻

鴻文獎飾到哇詞

君序拙集期許備至

獨聳烏鸞百抱枝弱植幾

曾繩墨中大材還卜棟梁爲眼前舊雨無多少身外浮

雲不卽離桂水有情更東注一樽重約卸帆時

和子隅書東坡次韻伯固游蜀岡送叔師奉使嶺

表詩榻本後用卷中原韻

是本許叔舟觀察乃濟刻於寶月臺糜次

泉太守良澤移置披雲樓

昔登平山堂聞雁不聞蟬

辛丑九月始至揚州游蜀岡

倚闌獨歌嘯

二知軒詩續鈔

卷二

五

紅橋生晚煙扁舟盪月歸衲子嘲詩顛忽忽廿餘載陳

迹胷中懸我慕蘇長公望之如神仙文采照炎荒遺墨

珍後賢僅見題名碑輝映淙碧泉

謂峽山寺題名

擘窠仿虞褚

政寶堂額在韶州府亦坡公書

瑤臺下嬋娟何當陟披雲一窺鸞鳳翩

夜夢到竹西醒來尙陶然

十一月二十八日登舟日號

鷺潭南去路迢迢

將由香山而至新會

且喜登舟避俗囂不挂蒲

帆行最穩海門纔長未時潮

泊圍涌

粵人讀若冲

書所見

青天渺片雲紅日向西墮中流大自在攤書正孤坐管

曙烟漲空祝融爲民禍羊城冬久旱并乾欲揚堞十日
五報灾將夕怕吹堦自從禱龍神渥澤彼蒼荷降之三
日霖生機暢蔬蔬今晨甫開霽便鼓珠江枕忽疑到陸
渾炎蒸坤軸簸徬徨問長年云是陳村火城中多水車
廣州水車救火至捷奔走洵壑慄市虛力不瞻喪手任傾侈得毋
天惡盈姑息殊未可焚身自貽戚夢夢厥蟲保樓臺倏
灰燼豐腴頓陷軻溘利實生孽此中有因果虐燄方在
前姑息凌風舸

曉望

挂上銅鉦氣自温鱗鱗淺碧映朝暎圍成沙坦漸無海

二知軒詩續鈔 卷二

三

岸有水松多是村迅利爭誇船似馬牢籠轉笑屋爲禪
臨流忽動歸田想何日柴門去負暄

林熙臣

之升

表弟航海至粵投詩四章卒卒未有

以報舟中無事次韻畚之兼與論詩

泛海來登學海堂壯遊端不負駒光勞君跋涉五千里
念我睽違十二霜荆棘肯教生故土

君全家已由山左返懷遠

葭葦

何幸聚遐方天南領略濃春景待放西園草木香

干戈轉徙猶勤學知賴吾姑荻畫傳往日讀書頻問難

諸郎同列獨稱賢

先六姑母在閩中日好讀書每有疑義輒以相質

仙班遽返

鸞駟駕壽骨新瞻雁序聯握手淒然談懿行將詩歸告

墓門邊

懸臂中鋒筆陣開雅音亦自盛唐來

子以先通奉公墨刻贈之臨墓並

課作

試帖 璠璣砥礪資良匠鶴鷺騫騰到上台明歲先賡萃

野什友朋共醉菊花杯皋蘭山下煩通訊

謂令兄遠村方伯 羨

煞君家杞梓材

漫云巧速拙偏遲大似蒲團入定時西抹東塗全不肖

課虛叩宋更難期要從浩瀚汪洋境寫出纏綿繾綣思

風格性靈兼二妙古人探討有餘師

香山道中

欲尋漁父釣煙濤冬日晴暄可脫簪岸草不枯田不凍

二知軒詩續鈔 卷二

香蕉十里綠成林

三十日至香山即住縣署贈楊又琴 誠明府

此地無行館憑君借一枝

城內居民向不賃屋作公廨云賃即不利

絕殊桑

下宿來向鏡中窺

用陳良翰語

我尙慙三拜人皆仰四知頗

聞民氣樂相對且舒眉

情文沙田不日即可舉行民無有尼之者

耕圍

用方

言 何茂密風景似江鄉重以廉平守可稱今信

陽有城堅過鐵是舌鼓如簧

香民好訟

畢竟絃歌好誰云馳

不張

登仁山作示又琴

鶴巢已空鶴仙去兀兀但有陳公 文龍 墓八百年來子姓

延月岡彎環山脈固老榕逢冬翠如滴疑是豐樂園中
樹我聞五桂高插天贅阜支峰不知數景埒羅浮爲邑

鎮自古神仙種茶處欲往卻愁風引迴此生竟被儒冠

誤差喜七星攬其一縣志仁山之北曰慶壽山城跨其上東南曰豐山近民居已平西曰

武山城距跨之尚有盈山福山鳳山亦平於築冷暑冰

城時以其羅列如星環拱縣治故名七星峯

衙忽增趣我非狂簡亦放歌方繩武登仁山詩有句云冰衙冷署斷經過狂簡能

來一有緣天與搏沙住長官慈祥出至性斯民競說來

何暮唯君不愧居仁山仕學同源恍然悟山陰舊有仕學臺

子隅以長律枉贈次韻奉酬

不圖茶叟外謂薊谿同年復得此詩人拔幟驚儕輩稟韉任

二知軒詩續鈔卷二

主臣愁予才欲竭訝爾筆如神獨秉三山秀福州三山最著能

空萬古塵七襄疏問出百鍊屈還伸文梓藏林莽幽蘭

溷澤莘國香羞自媚匠石漫輕掄况乃生華胄端宜貢

帝闈威弧光正耀投筆氣彌振羣寇犯吳越雙忠思

遠巡農氓補軍籍饜饋括商緡力戰披犀甲殊榮錫

鳳綸雷霆千里震雨露九霄勻卓犖賢公子爲郎夙夜

寅循還遭劫運歌哭念斯民允矣推翹楚洵堪荷析薪

官遷五馬貴治必二馮臻蕉荔餐盈口枕榔釀到脣凌

江旗鼓奮端水玷壇新步伐全追甫騰驤早遇歐叔慈
如玉潤公瑾比醪醕吐屬眞風雅昂藏邁等倫瓊瑤相

贈答筌緒遠垂詢把盞常酣醉抽毫極爛磷恢垣云君醉後詩更

多
人歸珠海畔恢垣近返菱塘月冷瀝湖濱徑可窮顛頂奚庸

判嶺响名場馳健足官閣絆吟身頗笑爲形役仍求與

德鄰碑雖迷响嘯劍總識延津決盪摩孤壘縱橫列四

甄要知宏建樹唯在勵廉貧列子凡爲名者必廉廉斯貧閭闔扶搖

上聲名動八垓

蘭軒將返都門以四百字留別適予有沙田之役

未及報也初三日香山衙齋晨起興到輒次韻

寄之

西園好吟窩梧竹四圍碧公餘輒把卷坐到斜陽赤了

二知軒詩續鈔 卷二

無塵俗態名理耐尋繹運以靈臺光按羅盡璣瑩二三

素心友與我有同癖相將鼓豪興歌聲震羊石去年陳

山人懿叔共奪東坡席八疊東坡韻十月茶叟至推敲彌獲

益成東瀛唱畲詩百首今年局陣奇仙自蓬萊謫謂恢垣築壇七星

巖傲我未經歷韻流端溪上響應佗城北林生子闕更

屈疆酒酣氣無敵孤羆勇莫當且畏食鐵貌居然嗣韓

孟堆案寸許積郵筒互往復伸紙破岑宋遂成鼎足勢

枹格邁古昔爭雄夏徂秋罕聞罷兵革不顧僉父笑聊

自適其適知音感吾子嗜痴等雞蹠讀我和韻詩譽我

作詞伯曰如無縫衣難覓鍼線迹出風而入雅高渾亦

精覈使我增媿汗空疏乏典籍差信匙調語真率吐曾
膈能以意遣辭初不溢繩尺曩時住玉堂荒廢吁可惜
羨子年正富淬厲永朝夕干將與莫邪足令萬人辟歧
趨乖正道動步卽須擇願子爲寒松柯葉不改易願子
爲大鵬雲霄奮羽翼鼇峰絕頂躋終身在鸞掖崢嶸歲
云暮遠爾離思迫恨不與子偕重踏春風陌補爲檀栢
遊賡唱動盈冊我先別子去泛泛晚潮白癡算學忠介
萬頃立分擘謂清丈沙田鐵城小淹留倏忽一旬隔我歸子
倘行誰歇拓金戟披裘枯凍毫不覺朝曦赫

初四日舟行卽景

二知軒詩續鈔

卷二

三

洲未雞籠到墟先象角過樹濃春氣透今年除夕立春風靜水

聲和不覺歲將暮幾忘海有波曹涌軍已集勦捕客匪早晚

望投戈

樹臣觀察寄示廉州途中詩十二首索和兩月以

來迄未報命夜泊雞籠洲重讀一過覺此債難

完輒呼負負爰寄一詩聊以解嘲

生平不信滄浪話滄浪詩話謂和韻最害人詩元白濫觴開此派蘇

黃更比皮陸強束馬懸車爭險隘頑石有時點成金鈍

鐵皆可鍛作鍛直把前人窠白翻迥非依樣葫蘆畫同

工異曲理則然谷應山鳴那足恠我來嶺南抱詩癖獨

於友朋通沆漑裁箋濡墨竟日忙拋除酒債添詩債近
與端州兩雄鬪我師幸未倒戈敗廉江又有大敵至銜
枚竟筮天山卦隻手烏能握雙管九仞須防虧一篲君
詩半從篷底出雪浪銀濤助滂湃就中最愛銅柱歌極
目邊雲發深喟方思驀坡乍蹠踣正擬穿林倏驂絳頻
年鞭算何勞勞說到開方彌憤憤裏會無三角弧迷
漫罕辨鴻溝界此時君登海角亭足與逋仙謂韓東溪通啓
欬我亦放舟石岐江白頭老將勇如噲謂韓東園太守頗願火
速完舊逋其奈粗疏雜蕙稗若泉涌地水到渠似磁引
鍼珀拾芥專工塗澤愈形醜不關痛癢難搔疥文字性
靈關奧窔剽竊相沿詩教壞怕貽魚目混珠誚敢忘狗
尾續貂戒牛鬼蛇神魔障祛恍間禪棒當頭喝瓊瑤孤
負瓦礫投奚翅蒿艾亂金薤歲云莫矣請罷兵君未言
旋我行邁

二知軒詩續鈔

卷二

三

舟出石岐江開文雞籠洲

距縣城六十里

沙田韓東園

鳳

翔太守枉投四律次韻奉報

七年嶺外擁旌旂此日偕登海上舟要使爭端化蠻觸

自然同類感鷹鳩沿隄蕉綠遮秧畝出水蓮

禾之能受鹹水者以

此名開賽荻洲猶記湟中烽火熾尚猗綏靖倚韓侯昔

任綏猗廳
捍賊有功

黑赤淤壩貢賦均炎荒豈止一犁春粵田先之蔓草滋

圍坦用若泥沙問水濱連年抽捐沙田以助軍需耕鑿漸看無蠶戶

沙夫皆屬蠶戶縱橫難辨是龍鱗輸將上體 朝廷意我愛仁

山向化民

萬寶都歸此利源本來斥鹵沐 皇恩地名外海通寰

海山接厓門走澳門惟願富饒增國課肯教荒廢等官

屯書生妙擅商高術謂袁敦齋大令篷背挑鐙子細論

一望昫昫禹甸豐標竿折算法從同還憑牧令廉明治

頓息豪強攘奪風沃衍古原稱陸海障川人亦補天功

華離剖判編氓樂清白相期矢寸衷

二知軒詩續鈔 卷二

文田書事五首

自笑本鹽官安知理阡陌若非太陽出幾不辨南北凌

晨陟沙洲穿過蕉林碧荒荒稜稜田尚有稻根積行行

坐更寮田中守夜小屋亟亟呼丈尺但憑有司照謂藩照莫問沙

夫冊閩沙夫之更穀冊亦不足憑

丈田須用弓云自農部頒弓短田則長縱步難防姦易

弓而用纜對面相牽攀一纜即百尺東西頻往還三百

畝有奇畢之兩時問

番番韓太守翬翬袁大令祖安跟蹠隴上趨不畏地家

夏韓君向我言媿媿殊可聽昔丈新甯田甫能識蹊徑

畸零勿少遺釐然經界正我慮弓丈手倉卒受欺慄哀
君曰有繩足以爲左証每丈一纜則結繩從此訟端息

沙棍不得橫

香民胡好訟十訟九沙坦朦朧恣影射吏胥囊橐滿往
往捐性命殺機起稽得大戶擁膏腴目不識叮嚀小戶
被吞并官唯有力袒賢哉楊使君曰是不可緩更有隆
都林謂林氏紳士
任隆都者導引亟奮勉乃知草上風其機原易

轉

凡事不退縮皆可徐圖成劄奉 九重詔令出期必行

海墻自然利納稅天家輕子沙匿不報毋乃非人情昨

二知軒詩續鈔

卷二

三

者道旁叟偶語殊分明難得長官來永消鵝蚌爭十室
有忠信側耳神爲傾孰云粵難治感召唯一誠

石岐山戲作

石岐山上蒼蠅塔聞說塔成蠅始集俞菊
士言浮圖淨土何

受污問之如來不能答偶託驥髮致千里趨向炎荒開
殘臘局縮怕作號寒蟲痴鈍也學飯依鴿塔前無蠅誰
見之拈毫竟與禪鋒合

偶作

玻璃窗挂竹簾垂大似秋江放櫂時海霧乍消紅日出
披棉猶熱况羊皮

長吟短詠逍遙甚著我蒼茫萬綠中炎嶠絕無冰雪到
蘆根唧唧有鳴蟲

卽景口占

晴雲癡不動粘在青天上望見江門山四圍渺空曠
岡州能到否風輒故遲遲難得晚潮長添搖艣一枝

岡州望山歌

插天峩峩綠護屏山名玉壺可愛冬涵渟水邊釣臺白沙釣處

足千古勝他鐵佛開禪扇虹橋迤南路幽邃四圍峭壁
摩空青聖池瀑布甲天下白沙此語非不經銀龍百丈

振鱗爪蜿蜒倒挂生風霆金蝦紅鯉作侍從鶴鱣噓氣

二知軒詩續鈔

卷二

五

松梢腥懸崖一片鷓鴣叫采蒲樵叟攀蘿聽行行更遇

水簾隔迷漫日午天爲暝是池是潭析爲二徑搏鵬背

窺南溟奇情妙想抱琴客鄭湛若有雲潭記椽筆欲向龍宮停

又東七里玉臺峙萬顆密灑珠瓏玲厥名圭峯最秀拔

肩右倚者雲亭亭謂雲峯匡門突兀若在掌下視甘竹地名

猶浮萍詩人合有沈醉地瓊華洞口呼難醒山中到處

以泉勝鬼出電入通峇嵒安能扶杖升霞輶豁開眼界

窮宵冥奈何躑躅江上舡左顧右盼心空冷一寫孔雀

金瓶形

白沙祠四十韻

望氣占雲水真儒應運生海濱化鄒魯道統接周程道

腹孤兒育潛心大業成目光星炯炯軀幹鐵錚錚鍵戶

夜無寐彈琴石有聲春陽臺名耽靜坐秋榜慶先登獨抱

天民學渾忘仕宦情兩番遭勒帛千里去擔簦自和陽

時韻直令那讓驚黃門儕弟子神樂觀名集公卿北鄙皆

稱異中原早著名室規廬阜小窗映玉壺湖名澱白鹿方

辭聘金鑾倏見徵一人為國寶兩疏納韶彭韶英朱彭英不願

兒離母何堪弟別兄遂巡逾嶺迢遞上燕京書報慈

親病憂來未疾嬰徬徨求引退呼籲出純誠教孝君王

賜歸田史職榮道遙殊自得去就總分明遂爾林泉老

二知軒詩續鈔 卷二 三

彌彰苦節貞七旬猶擗踊九德山名揚雷奉先共嶒峻

封篋黃金在危樓碧玉橫儼逢大梁孟姜麟以為活孟子默契

舞雩曾用先生語洗盡安排障幾同戒律僧回狂終不倦託

佛亦奚曾皆用先生詩意寇盜知君子農商列友朋漫云諸郡

淺似議海南瓊飛躍機咸暢虛圓用至靈顏蘇參局陣

陶謝恥拘繩花鳥洪鈞答先生句云除卻東風花鳥龍鳥句更將何事答洪鈞

野興騰謂茅筆彌留仍戀闕完粹永垂型已許專祠建俄

看兩廡升文恭昭美謚道學媿休稱後起嗟遲暮前徽

仰式憑風都炎嶠變人比聖池清江潄思嘉會樓名圭峯

著定評見新會志從公分太華張詡和詩云我老須分太華眠旋從公處問江天傳

世倚增城

湛甘泉始校定先生集

翮若孤山鶴

先生句云孤山鶴啄孤山月

於夢澤鷹

王鳳洲目爲豪傑之士

巖崑瞻馬角

卽馬 蛻俗最高層

先生句云蛻俗如驅羊

熙臣疊前韻索和予亦疊韻寄之

寒宵風雨坐空堂

予現居新會西南書院

獨客難拋炳燭光爲愛

白沙無俗韻

時讀白沙集

猶如古木著清霜門前又報詩筒

至夜聞奴子破門則君詩至矣

枕上新添卻睡方

客中耽吟夜半不寐

年少明

經殊慧絕錦囊收得鷓鴣香

半園瓦礫時縈夢無限鄉心託雁傳老輩至今遺澤厚

子孫唯有讀書賢莫憂恆產十年廢差喜斯文一脉聯

二知軒詩續鈔

卷二

美

丑寅兩試吾家入泮者十人碩姪與焉

我欲與君商去住浮槎山畔芍陂

邊

匡門竟日霧難開閱展圖經逸興來曹幕笄簪

山穿地名

軸聖池瀑布抗天台何人漱玉重修社有洞鳴山待把

杯紫水黃雲如舊否宋寥今古幾眞材

銀洲湖上放舟遲百頃沙頭挂纜時

將於此開丈

南海潮來

眞壯觀西園月滿是歸期文章妙若探喉出境地偏宜

對面思涉厯波濤知順逆此中消息問篙師

十四日登舟漫興

我來古岡住忽忽又六日空洞一講堂相伴有書帙雖

無門戶見卻苦坐暗室書院空堂無門無窗障以簾幙白晝皆暗故戲及之服膺

白沙子主靜寸心謚忍寒猶嘯歌差勝處禪蝨圭峯好

蒼翠泥湓不能出獲此忙中閒詩興反橫溢

五更破殘夢耳畔何颺颺風聲雜雨聲似欲將客留欲

留已歲莫言返江上舟篷窗劇清曠開卷皆朋儔溼雲

四山壓綠樹冬如秋自笑一官縛儼然鷹在講倉卒負

此行未登碧玉樓

夜泊

夜泊江門海凍雲遮碧天我來已遲暮不見荔枝仙白沙

詩云我是荔枝仙

二知軒詩續鈔 卷二

七

詩人忽狂喜月出二更晴明發盪舟去了無風浪生

詠玻璃窗和阮文達韻

交疏結綺費人功嵌上頗梨分外工高可窺天低照水

明能印月暗塘風端宜朱鳥青龍配遮莫瓊樓玉宇同

修竹好花相掩映曲房奧室轉靈通香留金鴨逾珠箔

影透文犀勝瓦瓏葱綠攙將雲母白杏黃繚以水精紅

四邊澄澈凹皆凸五色迷離實亦空往日倉山今袖海

樓名宛然身在畫圖中

甘竹灘

東過惶恐西昌樂人耳奔騰滂湃聲似此石磯渾見慣

直同杯水芥舟橫

山有青松岸有榕炎荒氣暝不知冬
天教點綴江村景
特地如門截兩峯

曉起大霧

迷漫也是玉乾坤徑欲乘槎到海門
低滄江心濃不散
溼粘雲腳浩無垠四圍瀕洞晨光掩
一望蒼茫水氣渾
莫道張裴能變化山中風逼遠飛翻

將至珠江口號

歸去珠江好放歌乘潮雙槳急於梭
今宵準看西園月

石壁三山

皆地名一雲過

二知軒詩續鈔

卷二

三

